

Bosna i Hercegovina
Federacija Bosne i Hercegovine
Tuzlanski kanton
OPĆINSKI SUD U TUZLI
Broj: 32 0 St 400165 21 St
Tuzla, 01.04.2022. godine

Općinski sud u Tuzli, sudija Ilvana Delić, kao stečajni sudija, u stečajnom postupku nad imovinom dužnika „A HOTELI“ d.o.o. Tuzla, ul. Zavnobih-a 13, dana 01.04.2022. godine, d o n o s i

R J E Š E N J E

ZAKLJUČUJE SE stečajni postupak nad imovinom dužnika „A HOTELI“ d.o.o. Tuzla, ul. Zavnobih-a 13, matični registarski broj subjekta; 32-01-0200-15, JIB 4210205590004, zbog nedostatka stečajne mase za pokriće troškova stečajnog postupka.

Rješenje o zaključenju stečajnog postupka bit će objavljen u Službenim novinama Federacije BiH, Oglasnoj ploči suda, web stranici suda-elektronskoj tabli suda te dostavlja FIA-i.

Obavještavaju se stečajni dužnik, stečajni upravnik i povjerioci da će rješenje o zaključenju početi proizvoditi pravne posljedice protekom roka od 8 dana od dana objavljivanja u Službenim novinama F BiH.

Po pravosnažnosti ovog rješenja isto će se dostaviti Općinskom sudu u Tuzli, Odjeljenju registra, radi brisanja stečajnog dužnika iz sudskog registra.

O b r a z l o ž e n j e

„A HOTELI“ d.o.o. Tuzla, ul. Zavnobih-a 13, dana 23.04.2021. godine podnio je prijedlog za otvaranje stečajnog postupka nad ovim privrednim društvom iz razloga platežne nesposobnosti, temeljem odredbe člana 6. Zakona o stečaju („Sl. novine F BiH“ br.29/03., 32/04., 42/06 i 52/18).

Rješenjem suda od 20.07.2021. godine otvoren je stečajni postupak nad imovinom dužnika „A HOTELI“ d.o.o. Tuzla, ul. Zavnobih-a 13, a za stečajnog upravnika imenovan je Senad Uzunić iz Tuzle.

Na izvještajnom ročištu održanom dana 30.09.2021. godine stečajni upravnik je obrazložio izvještaj o ekonomskom stanju dužnika te je utvrđeno da su ukupno priznate obaveze stečajnog dužnika u iznosu od 982.888,27 KM od čega je iznos od 669.837,69 KM razvrstan u viši isplatni red, iznos od 310.331,07 KM razvrstan u opći isplatni red, te iznos od 2.719,60 KM u niži isplatni red. Pored navedenog priznato je potraživanje razlučnom povjeriocu u iznosu 16.874,30 KM.

Predujam za vođenje stečajnog postupka koji je uplatio dužnik iznosio je 4.000,00 KM. Tokom postupka unovčena imovina stečajnog dužnika u iznosu od 7.512,79 KM i naplaćena su potraživanja prema dužniku u iznosu od 6.239,96 KM. Pored navedenog stečajnu masu činila su sredstva zatečena na računu stečajnog dužnika 17.673,82 KM. Iz stečajne mase namiren je razlučni povjerilac, kojem je priznato razlučno pravo, dok je ostatak sredstava korišten za troškove stečajnog postupka koji su na dan zaključenja stečajnog postupka ostali ne izmireni u iznosu od 5.894,32 KM.

U svom izvještaju kao i na izvještajnom ročištu održanom dana 24.02.2022 godine stečajni upravnik predložio je zaključenje stečajnog postupka zbog nedostatka stečajne mase u skladu sa članom 196. Zakona o stečaju (Sl. novine F BiH broj 53/21), obzirom da društvo nema više imovine koja bi služila za namirenje povjerilaca i troškova postupka a postojeća stečajna masa nije dovoljna ni za pokriće troškova stečajnog postupka.

Skupština je usvojila prijedlog stečajnog upravnika za zaključenje stečajnog postupka zbog nedostatka stečajne mase.

Provodeći aktivnosti a u svrhu zaključenja stečajnog postupka sud je temeljem odredbe čl. 102. točka 7. u vezi sa članom 196. Zakona o stečaju dana 24.02.2022. godine donio rješenje kojim se pozivaju stečajni dužnik, povjerioci i sva zainteresovana lica da u roku od 30 dana od dana objave rješenja u Sl. novinama F BiH uplati predujam u iznosu od 5.000,00 KM za nastavak provođenja stečajnog postupka ukoliko za isto imaju interes.

Rješenje je objavljeno u Službenim novinama F BiH broj: 20/22 dana 16.03.2022. godine, a na oglasnoj ploči dana 25.02.2022. godine.

Kako ni jedan od povjeritelja nije obavijestio sud da je izvršio uplatu traženog iznosa, za dalje vođenje postupka, to sud u skladu sa članom 196. stav 1. Zakona o stečaju, zaključuje postupak jer stečajna masa nije dovoljna za pokriće troškova stečajnog postupka.

Imajući u vidu sve gore navedeno ovaj sud smatra da su ispunjeni uslovi za zaključenje stečajnog postupka zbog nedostatka stečajne mase u skladu sa članom 196. Zakona o stečaju.

Stečajni povjerioci mogu nakon zaključenja stečajnog postupka ostvarivati svoja potraživanja prema dužniku pojedincu u skladu sa propisima građanskog prava, a kako je to propisano odredbom člana 191. Zakona o stečaju.

Temeljem odredbe člana 191. stav 10. i član 204. stav 1. i 3. Zakona o stečajnom postupku rješenje o zaključenju stečajnog postupka objavljuje se u „Službenim novinama F BiH“, Oglasnoj ploči suda, web stranici suda-elektronskoj tabli suda te dostavlja FIA-i.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Temeljem odredbe člana 196. Zakona o stečajnom postupku sud je odlučio kao u izreci rješenja.

STEČAJNI SUDIJA

Ilvana Delić

POUKA O PRAVNOM LIJEKU!

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objave rješenja u „Službenim novinama F BiH“.